



Garis Panduan Geran Galakan Penyelidik Muda

Pusat Pengurusan Penyelidikan dan Inovasi
(CRIM)

Versi 1.0
18 Februari 2010

I. LATAR BELAKANG

1. Geran Galakan Penyelidik Muda ini diwujudkan pada tahun 2010 di bawah Dana Universiti Penyelidikan.
2. Garis Panduan Geran Galakan Penyelidik Muda ini telah diluluskan oleh Mesyuarat Pengurusan Universiti Bil 3/2010 pada 20 Januari 2010.
3. Garis Panduan Geran Galakan Penyelidik Muda ini telah dimaklumkan dalam Mesyuarat Ketua-ketua Bahagian Bil 1/2010 pada 26 Januari 2010.

II. DEFINISI PROJEK

Geran ini memberi peluang kepada Pensyarah/Felo muda untuk membangun keupayaan dalam penyelidikan.

III. TUJUAN PROJEK

Tujuan geran ini adalah untuk menggalakkan Pensyarah/Felo muda untuk merintis peluang dan menjalankan penyelidikan.

IV. KRITERIA & SYARAT-SYARAT PERMOHONAN

Permohonan yang dibuat mestilah kesinambungan daripada bidang pengajian pasca siswazah atau sebagai lanjutan daripada bidang penyelidikan semasa calon.

V. KELAYAKAN

1. Pemohon mestilah:
 - i. Pensyarah/Felo yang baru selesai dari bercuti belajar/PhD.
 - ii. Telah berkhidmat tidak melebihi 3 tahun dari tarikh lapor diri selepas bercuti belajar. Namun demikian dalam kes-kes tertentu pertimbangan boleh diberikan walaupun tempoh melebihi 3 tahun.
2. Keutamaan diberikan kepada Pensyarah/Felo yang belum mengetuai sebarang projek penyelidikan.

VI. JANGKA MASA PROJEK

Jangka masa projek adalah sekurang-kurangnya 1 tahun dan maksimum 2 tahun.

VII. SKOP PEMBIAYAAN

Skop pembiayaan adalah mengikut skop yang sedia digunakan oleh pihak Universiti. Pembiayaan yang dipohon mestilah bersesuaian dengan aktiviti yang dirancang dan disertakan dengan justifikasi yang munasabah. Jawatankuasa Penilai berhak menentukan jumlah sebenar yang akan diluluskan.

VIII. PROSEDUR PERMOHONAN DAN PENILAIAN

1. Permohonan perlu menggunakan Borang Permohonan Geran Penyelidik Muda yang disediakan.
2. Permohonan perlu dikemukakan kepada Pusat Pengurusan Penyelidikan dan Inovasi (CRIM) mengikut tarikh tutup yang ditetapkan.
3. Permohonan akan dinilai oleh Jawatankuasa Penilai yang ditetapkan.
4. Keputusan penilaian adalah muktamad.

IX. TARIKH MULA PROJEK

Semua projek akan bermula selepas mendapat perakuan Jawatankuasa Penilaian.

X. PEMANTAUAN PRESTASI PROJEK

1. Laporan kemajuan projek perlu dihantar pada setiap enam bulan kepada CRIM.
2. Seminar Pemantauan projek akan diadakan pada setiap tahun.

XI. LAPORAN AKHIR PROJEK

Laporan akhir projek perlu dikemukakan dalam tempoh 3 bulan selepas projek tamat.

TAMAT